

山脉

經遠通志稿卷三  
第五冊

綏遠通志稿卷三

山脈

本省山脈以陰山為總幹亦曰大青山或稱大斤又名秦山皆即陰山也。在綏遠城北二十里。山脈循河源而來橫連大漠東入遼海古稱北幹實則蔥嶺北支迤入漠北此乃中幹中之北幹也。其在本省異名孔繁然究其首尾則亦均有顯然之跡象可尋。蓋山之主脈自省西臨河縣入境沿套北歷五原安北包頭薩拉齊諸縣而達歸綏山後為固陽武川二縣自歸綏東則盤迴分布於陶林涼城集寧豐鎮諸縣以達於興和而出境其入河套之山則歷沃野設治轄境及東勝縣界復東踰黃河而入於托克托和林清水河三縣再東則與涼城諸山相合矣。此綏遠全省山脈之大較也。惟山之自套北來者多雄峻崢嶸且歷

千餘里而連綿不斷。其自套內踰河而來者，則起伏隱見，絕續不常。且多沙岡土阜，無甚異山跡。其形勢之殊，殆即主幹與支幹之分歟。今就各縣山名之可考者，依次紀之。庶以資覽觀焉。

聖武記武事餘記說禹貢山川者有三條四列之說。而唐僧一行河山兩戒，尤為後人所祖。其言曰：北戒自三危積石負終南地絡之陰，東及太華踰河，並雷首砥柱太行北，抵常山之右，乃東循塞垣至濊貊朝鮮，是為北紀。以限戎狄。此但據禹貢九州言之。故以中幹為北幹。其實崑崙大幹北包沙漠瀚海之外。前代度漠之軍所至，如狼居胥山、寘顏山、浚稽山、涿邪山、燕然山，皆北幹山名。距代郡定襄朔方二三千。今並不得其遺。本朝臣服漠北蒙古，凡阿爾泰山、杭愛山、興安嶺、盡隸版圖。於是統志始詳北幹之枝脈云云。夫北幹阿爾

泰山之脈。正從天山而來。由伊犂博羅塔河之西。繞額爾齊斯河。穿桑泊之東北。而起阿爾泰山。是蔥嶺者。天山之太祖。天山者。北幹之少祖。天山以阿爾泰山為正幹。而其東趨哈密者。特其分幹。分幹短。而正幹長。故北幹與安大嶺。盡於東海。視哈密。分幹多行七千里。其孰正孰輔。判然徑庭矣。哈密餘支。東北盡於安西州之布隆吉河。河北為天山支麓。河南為祁連山正幹。玉門關嘉峪關。皆建於此。正扼二幹之交會。而祁連山脈。則上歷于闐中。經青海下。為賀蘭陰山。與天山之脈。不相屬。故自僧一行以來。皆以三危積石為塞垣。北戒之祖。不言祖于天山。蓋蔥嶺河源。經回部。匯於蒲昌海。即羅布泊在天山之南。于闐山之北。故回疆三面皆山。惟以東隅為泄水之口。則自蒲昌海東至玉關。砂磧千餘里。又自玉關東至

遼西瀚海六千餘里。即北幹中幹天然之大界也。使水行砂  
磧。不滲不瀦。則蒲昌海之水。必經龍堆出玉闕。挾布隆吉河。  
居延澤之水。東會克魯倫河。黑龍江入海矣。無如沙漠旱海。  
水小則滲。水大則瀦。窮荒枯磧。生氣不鍾。於是潛源重發於  
青海之上。遂以北幹之界。水溢中幹。是為一變。河入中幹以  
後。仍隨中幹左枝。山脈北流。由白州出塞。繞河套。以賀蘭陰  
山障其北。連峰疊嶂。逼之入塞。至雍冀間。而中幹左右兩枝  
交會。界水愈狹。不足受河。於是懷山襄陵。或東決平陽。或西  
泛關中。尸子言古者呂梁未鑿。河出孟門之上。故禹不得不  
闢龍門。析砥柱以納之。使河槽歸一。是前則伏出於中幹之  
底。繼則顯冒乎中幹之脊。是為再變。使循北幹界水之常。不  
入中幹。則大漠沙塞。皆水草饒沃之土。人物繁庶。而生氣何

由獨鍾中原乎。天地之氣。聖不能違。乃漢武帝時。齊人延年  
上書。請徙河塞外。北至注胡地。不入中國。試問。徙於既入中  
幹以後乎。則必使從朔方。冒陰山大脊而過也。徙於未入中  
幹以前乎。則必使蒲昌海水。穿龍堆千里之沙。再絕瀚海六  
千里之漠。不滲不瀦而東也。不察天地之氣。不明水土之情。  
不考支幹之形勢。尚足語疏導。辨方略乎。至語兩幹合於大  
興安嶺。尤為瞽說。夫內興安嶺與外興安嶺。一在黑龍江之  
南。一在黑龍江之北。名雖同而畫然。二幹祖雖同出葱嶺。而  
分幹皆在萬里以上。一則由三危積石繞套外。為賀蘭山。陰  
山。經歸化城。宣府。至獨石口外之多倫泊而起。內興安嶺。亘  
內外蒙古各部。而為遼東之長白。以盡於朝鮮。一則由漠外  
之阿爾泰山。杭愛山起。肯特嶺。為外興安嶺。包喀爾喀各部。

榮以盡於鄂羅斯。豈可因其同名。誣為一幹。清祖禰之宗支。渾華夷之界限乎。若夫子闡中幹。復分數支。其在黃河北。大漠南者。為中幹之北幹。在黃河南。漢水北者。為中幹之中幹。漢水南。江水北者。為中幹之南幹。此則九能之士。類能道之。不更僕焉。

兩漢邊郡考略

徐繼畬著

一統志

陰山俗名大青山。西至河套北

烏拉特西境。東至歸化城。東西綿亘五百餘里。蒙古土名隨

地而異。皆古所謂陰山也。其實陰山橫障漠南。起賀蘭山。蜿

蜒而北。為古之狼居胥山。又迤邐起伏。而東北直至遼東廣

寧邊外。皆兩阜接連。峯巒疊起。中外土名以數十百計。自套

北至遼。蓋三四千里。漢書匈奴傳。侯應言陰山千餘里。蓋約

略言爾。又一統志言。陽山在陰山西。河套正北。與陰山接連。

以東西異名耳。在烏拉特西北二百四十里。陽山之前。即秦  
之北假。秦時蒙恬渡河。據陽山。取其地。名為北假。北假者。以  
地假於貧民。使墾種也。其西即高闕塞。予按後漢書。郡國志  
注。徐廣曰。陰山在河南。陽山在河北。其曰陽山在河北。是也。  
至云陰山在河南。殊不可解。河南即今河套。套內之山。據一  
統志。有二十餘。然大勢多平土。其山皆部婁岡阜。絕無高大  
之名山。陰山為朔漠障蔽。橫亘三四千里。即所謂內與安嶺。  
套內一片土。將何地以容之。考前漢西河郡有陰山縣。其地  
大約在河套。徐廣或本此以立說。然西河郡之陰山。自當是  
套內同名之小山。豈可以區區者。當朔漠數千里之陰山耶。  
隋書趙仲卿傳。從高穎指白道。突厥悉眾而至。會高穎大兵  
合擊之。乃敗走。追度白道。踰秦山七百里。史萬歲傳。開皇末。

突厥達頭犯塞萬歲出馬邑道至大斤山相遇達頭引去萬  
歲馳追百餘里乃及大破之遂北入磧數百里

陰山之異名在臨河縣境者有阿爾布坦山阿櫃山筆架山噶  
札爾山陽山高關山再東即與狼山相連以上諸山皆在套北  
前臨大河背負廣漠即俗所稱烏拉後山之西端亦即陰山入  
省之始也踰山而北為烏拉特中公旗境在其西北與外蒙接  
壤處有克球山白音納祿山察汗呼燒山格都山格拉山桃葉  
呼都克山鎖布落那呼都克山查哈必拉克山天德山  
史記匈奴傳趙武靈王自代並陰山至高關為塞注徐廣曰  
在朔方正義曰地理志云朔方臨戎縣北有連山險於長城  
其山中斷兩峯俱峻土俗名為高關也又秦始皇本紀三十  
三年使蒙恬渡河取高關陽山北假漢書武帝紀元朔二年

遣將軍衛青出雲中。西至高關。注師古曰高關山名。一曰塞名也。在朔方之北。水經河水屈而東流為北河。東過高關南。注陰山下有長城。長城之際。連山刺天。其山中斷。望若闕焉。故有高關之名也。通典高關在陰山之西。榆林舊志高關北去大磧凡三百里。水經注河自臨河縣東逕陽山南。漢書注曰陽山在河北。指此山也。南屈逕河日縣。在北假中地名也。高關以東夾山帶河。陽山以往皆北假也。北河又南合南河。南河上承西河。逕流二百餘里。又南逕馬陰山西。漢書音義曰陽山在河北。陰山在河南。謂是山也。而即實不在河南。史記音義曰五原安陽縣北有馬陰山。今在縣北。言陰山在河南。又傳疑之非也。余按南河北河及安陽縣以南。悉沙阜耳。無他異山。

蒙古游牧記。鄂爾多斯西北至阿爾布坦山。舊名首寇山。二百二十里。接賽音諾顏部界。寰宇通志。山踰黃河。因首寇城而名。黃河東有首寇口。為防禦要地。其下有城。西夏所築也。

歸綏識略。天德山。見漢書。李陵自居延行至天德山。唐宋置天德軍。遼史。太祖平黨項。遂破天德軍。元史。河源錄。過達達地。古天德軍。蓋軍以山名。在今烏拉特境。金置天山縣。北人呼天為祁連。以至元修道碑。有祁連山之稱。皆即此山。與涼州之山名同。而實異。德字不可省也。

案陰山正幹。自套西循黃河北岸東來。迤邐千餘里。為全省諸山之祖。固已無煩贅述。惟尚有一短支。繞出於正幹之側背。分布於烏喇特部之西北。及瀚海之南界者。其異

名雖甚繁。而實即游牧記所述之噶扎爾山也。清一統志。陰山。蒙古名噶札爾。在旗西北二百四十里。史記秦始皇本紀。三十三年。自榆林。並河以東。屬之陰山。以為三十四縣。注。徐廣曰。在五原北。漢書匈奴傳。侯應曰。北邊塞外有陰山。東西千餘里。草木茂盛。多禽獸。本冒頓單于。依阻其中。治作弓矢。來去為患。是其苑囿也。以今形勢覈之。其云在五原北者。亦甚相合。可知古之所謂陰山。實兼套外。遠近諸山言之也。又按後漢書和帝紀。永元元年。度遼將軍鄧鴻出。廂陽塞。與匈奴戰於稽落山。考今包頭縣西鄂博口。即古廂陽塞。既曰出塞。則稽落山亦當在狼山北。烏拉特中公旗境。亦即噶扎爾山之一部。惜今不能確證其所。在耳。

陰山山脈之在五原境者。則以狼山為最大。東西長四百二十里。西接臨河。東連安北。古稱陽山。今則稱為喇山。或稱汗烏拉山也。其隨地異名。則有拂雲堆、河套山、雪山、伊克鄂博山、惟山、麥垛山、大青山、赤城山、鄂博圖、喀喇山、莫博塔鄂博圖、喀喇山、巴爾喀山、碧柳圖山、馬神山、木納山、阿爾柴山、林山、白石山、連山、東德爾山、西德爾山。其為載籍所無。今始測得者。則有蘭古霞翁山。

方輿紀要。狼山在廢豐州塞外。唐調露元年。裴行儉討破突厥於黑山。餘黨走保狼山。唐書突厥歌邏祿右廂部落所居。永徽初。置狼山州。屬雲中都護府。是也。蒙古游牧記注。舊唐書張仁愿傳。河北岸有拂雲堆祠。突厥每入寇。必先詣祠祭。耐求福。因牧馬料兵。而後渡河。仁愿築

三受降城。以拂雲堆為中城。元和志。中受降城東至東受降城三百里。西北至天德軍二百里。南至麟州四百里。北至磧口三百里。新唐書地理志。中受降城有拂雲堆祠。接靈州境。有關。元和九年置。一統志。按旗西北一百九十里。有地。蒙古名烏朱爾。揅漢。或疑此為拂雲堆也。

又蒙古游牧記。烏喇特旗。下注。旗北四十里有河套山。九十里。有雪山。蒙古名察蘇台。百三十里有伊克鄂博山。百八十里。有惟山。蒙古名額古特。二百里。有麥塚山。產精鐵。利五兵。旗西北七十里。有大青山。蒙古名漠喀喇。百里有赤城山。蒙古名烏蘭拜星。百二十里有東德爾山。百三十里有西德爾山。百六十里有鄂博圖喀喇山。百七十里。有漠<sub>莫</sub>埽鄂博圖喀喇山。百八十里。有牀山。蒙古名席勒。百九十里。有阿爾柴山。

有連山。蒙古名和岳爾喀喇鄂博。有馬神山。蒙古名翁衮。二百四十里有巴爾喀山。山高大。東西百餘里。二百八十里。有碧柳圖山。旗西有木納山。綏乘烏拉山。古無其名。始於歸綏識略。一見之。其實即陰山也。蓋大青山至大余太。名梁南。分為二歧。一歧向西北。是為狼山。一名烏拉後山。以其在河北。故古人謂之陽山。一歧向西南。是為烏拉山。土人對後山而言。因謂之烏拉前山。古黃河本由此山之北。東注。行至石門障。由山之斷峽處南流。合於南河。遂將烏拉前山包於河南。故古人謂陰山在河南。然則古所謂陰山陽山者。實指山之分歧處而言之。非指大青山之全部也。

崇五原廳識略

俞家驥著

大青山在河北烏拉特旗境者。有喀

卜特兒山。又東北轉為哈兒占布兒古圖。狼居胥。那林朔  
龍翁金朔龍諸山。其所謂喀卜特兒山。當即阿爾布坦山  
之轉音。其所謂狼居胥山。亦或係指狼山而言。因古之狼  
居胥。遠在大漠之北。與此近在河干者。斷非一山。故知其  
指為狼山也。至餘所稱各山。應皆蒙古語。隨地相沿之名。  
考諸載籍。俱無徵焉。如汗烏拉山之稱。據蒙旗耆宿談。此  
即狼山之舊名。蒙語謂皇帝為汗。謂山為烏拉。合而言之。  
即帝山之意。與所稱黃河曰哈同罔勒。即皇后河之意。正  
復相對。逮康熙帝親征噶爾丹。駐蹕此地。乃飭去汗字。僅  
稱烏拉云。所言雖鄙俚。未可遽信。要亦考河套山名者。足  
資參証之一說也。又按蒙古游牧記。於烏喇特部有黃烏  
爾之名。實即汗烏拉之轉音。一稱韓烏喇。

其在安北縣境者。則狼山自西界迤邐而來。橫亘於北。而陰山古或稱馬陰山。順河岸。孤聳屏蔽於南。土人因南北隔絕對峙。故又以烏拉前後山別之。其他異名。則有牛頭朝那山。居延山。石門山。敖西喜山。老虎山。察漢溫都爾山。東木根山。

水經注。河水東逕高闕南。自臨河縣東。逕陽山南。又東逕馬陰山西。又河水東流。石門水南注之。水北出石門山。地理志曰。北出石門障。即此山也。西北趣光祿城。城東北即懷朔鎮也。

漢書地理志。五原郡。相陽縣。北出石門障。得光祿城。又西北得支就城。又西北得頭曼城。又西北得庫河城。又西北得宿虜城。

方輿紀要。牛頭牟那山。在廢中受降城西北。唐景龍中。張仁

愿築三受降城。又於牛頭牟那山北置烽<sup>烽</sup>城千八百所。自是突厥不敢度山放牧。滅鎮兵數萬人。是也。或謠為牛頭朝那山。永淳初。突厥入寇豐州。州將崔智辯與戰於朝那山。敗績。即此。

蒙古游牧記。烏喇特注。旗東三十五里有居延山。蒙古名昆都俞。四十里有狼山。蒙古名綽農陀羅海。九十里有牛頭朝那山。蒙古名吉蘭陀羅海。有老虎山。蒙古名巴爾圖。九邊考。自老虎山而西為長流水。蒲草泉等險。又云。散西喜山在旗東北八十里。歸綏識略。東木根山在黃河東。晉太寧二年。代王賀傳以諸部未服。築城於東木根山。而徙居之。志曰。五原有木根山。因在河東。故曰東。今河水始折東南流處山也。

案臨河安北舊均為五原轄境。迨近歲增廣設治，始就套  
北一帶，分東西劃出，駢列為三縣。故叙三縣之山脈，頗難  
作嚴格之區斷。因其原既一縣，較大之山川宿所共有。今  
一旦欲分而隸之，恐爭墩之譏，必所難免。如狼山、烏拉山、  
陽山、陰山、馬陰山、大青山諸名，雖層出不窮，而實則皆指  
橫貫三縣之大山而言也。如此者，既未能割裂，又不宜太  
複。僅就古籍所載某名在某地較著，即按其方向道里沿  
革撮要紀之。所以省繁複而期核實也。至其他異名，多為  
一方獨有之山，其形勢所在，殆皆不可移易。此則參酌攷  
訂，各從所隸，期於無誤。惟三縣自狼山以北，本無明確之  
界劃。故凡鄰近外蒙之山，如克球音納祿諸名，均附述於  
臨河縣山脈之後，以免每縣複述，而仍不獲列眉之效。是

又三縣諸山分述綜述之微義已。

入包頭縣境。有漠惠圖坡鄂博口。即古相陽塞道中外之衝途也。自牛頭朝那石門居延諸山以東。則有宿窺山布當圖山夾紇那山沙爾沁山錫拉德布色克山。或以為太白山。又或以為斷頭山也。其在縣東附郭者曰轉龍藏山。其與薩拉齊縣分界處則曰五當谷。

蒙古游牧記烏拉特旗東南六十里有漠惠圖坡百二十里有五達河源出布當圖山旗東百十里有宿窺山蒙古名札拉一統志按遼史西夏傳冠後垂紅纓自號窺名以窺為纓蓋本諸此。

金史地理志雲內州柔服縣有夾山在城北六十里。

方輿紀要跋那山通典勝州西北百二十里有紇那山即跋

那山矣。

紫包頭縣治雖在陰山之麓。而境內特著之山名。乃較少。歸綏識略謂五達谷在歸化城西二百五十里。又云廣覺寺在薩拉齊西烏拉特東公旗界五當溝內。距城三百四十里。又云後魏恭常四年。田於犢渚。李延壽曰。犢渚在柞山之西方。輿紀要山在大同塞外四百餘里。今烏拉特境內有山。產杉木極多。即名烏拉山。亦曰西山。當即其地。旁水渚數處。不知孰為犢渚。以田獵言。惟五當溝似之。此志略以五當溝為柞山。犢渚之辭也。然覈以道里。則溝去大同塞何止四百里。且因產杉極多。即據為柞山。未免近於附會。况以魏書攷之。西巡獵於柞山。當在善無川西。為今清水河縣境之山。志略之誤。不言可知。蓋五當溝即布當。

圖山其水為布當河亦書作無黨與乾隆中所設烏達卡  
倫距歸化城三百里者併是一地其里數之稍差則因山  
徑與坦途並計迂捷略有不同其錫拉德布色克山證以  
乾隆圖及朔平府志均指在黃河自西北山嘴折而東南  
處以今形勢覈之當即包頭東三十里之磴口北山因縣  
境河道以此處距山為最近既經山石之阻遂成折向東  
南之大灣此則質諸古籍所述而毫無疑義者也惟乾隆  
圖書錫拉作西拉此其用字之微異耳又按山西通志錫  
拉德布色克山或以為太白山或以為斷頭山實則太白  
山即今沙爾沁村後危峰特起之孤山雖非一山而相距  
甚邇且其主脈原即相連合而稱之尚非甚謬若斷頭山  
則攷之九邊圖在神水湖北而湖即金河泊距此差遠即

天下郡國利病書疑為牛頭朝那山者亦猶未符或包頭  
縣境內別有河經斷山之處而亦名為斷頭山未可定也  
究其畢竟何在今已不能確指要之本省同名之山綜計  
不下十數終不宜遷一處以就一處耳通志輯要於太白  
山之外尚有白雲山均在城西二百數十里蒙古名棟漢  
察本罕作及棟漢俄博博即鄂疑為包西鄂博口然不第道里不  
符即核以蒙古名亦仍未合惟與沙爾沁山之蒙古名為  
甚契合耳

固陽縣在大青山後直安北包頭二縣之北適居烏蘭察布盟  
屬茂明安旗境其山率多蒙古名於古亦罕有重要沿革及歷  
史事蹟可述茲姑擇其名稱稍著者紀之如次自西而東有刻  
勒峯浩齊鄂博岡齊齊哈爾察罕齊老圖山殺羊山官山棍諾

克山。哈拉海圖山。陀羅海山。察罕鄂博山。和岳爾白爾克山。方  
山。固爾班喀喇山。亦洛圖山。伊克哈達圖山。郭岳會察罕齊老  
山。霍拉保山。轉東北。則有哈達圖河之南北二山。又由托速圖  
山。迤邐而入喀爾喀右翼旗境。其在石門障北。為近所測得者。  
則有河塔山。此外尚有冒頓鄂博岡。蒿沁鄂博岡。及黃烏爾等  
名。多至不可悉數。

清一統志。茂明安下刻勒峯。在旗西北。愛畢哈河之所發源  
也。固爾班喀喇山。在旗東北九十五里。伊克哈達圖山。在旗  
東四十里。和岳爾白爾克山。在旗東南五里。察罕鄂博山。在  
旗東南四十里。黑山。在旗東南七十里。蒙古名喀喇托羅海。  
哈拉海圖山。在旗西南十五里。根諾克山。在旗西南四十里。  
官山。在旗西南七十里。殺羊山。在旗西六十里。蒙古名喀喇

特克齊齊哈爾察汗七老圖山在旗西北一百四十里方山  
在旗北五十里蒙古名賀爾賀郭岳惠察汗七老山在旗東  
北一百二十里冒頓鄂博岡在旗南八十里蒿沁鄂博岡在  
旗西北四十里

業蒙古游牧記無黑山而有固爾班哈喇陀羅海山清一

統志則有黑山謂即喀喇陀羅海蓋蒙語謂三為固爾班

黑為哈喇一作喀喇頭為陀羅海合言之即三黑山頭也音

雖異而義實同非有所略也又冒頓鄂博岡游牧記作墨

突因冒頓本讀墨突此又字雖異而音同非二書或有所

誤也鄂博亦作惱包蒙語稱界堆或岡阜之詞後不悉辨

通志輯要  
書作俄博

薩拉齊縣境之山通稱以大青山為最著故無多異名其西以

布當圖山之五達谷與包頭分界北以白衛果爾山山作西通志

爾歸綏識略郭作白與固陽分界外此則有朝陽洞山赤峯山九

峯山美黛爾山人頭山其谷甚多有巴圖溝水澗溝即古之蘇

爾哲谷又有水溝老虎溝皆其較著者也

歸綏識略大青山遊牧地乾隆二十八年道光十二年兩次

經大臣履勘奏明與各札薩克分定界址西界自白衛郭爾

山按地圖作拜至克壽山止按圖有與茂明安為界北界自

克壽山起至托蘇圖山止適中為哈達瑪爾河源山後為達

爾漢山前為土默特東界自托蘇圖山起至烏蘭察布源泉

止與四子部落為界並於沿界一帶奏設堆記

業山西通志綏乘諸書於夾山純那山錫拉德布色克山

等皆列在薩拉齊下而本志則多隸於包頭縣良以包頭

原為薩屬之一鎮。近始劃出。別自為治。經此一割。遂致於古可徵之山。強半在包。而不在薩矣。其朝陽洞山在縣北二十里。山半有寺。即名朝陽洞。四圍松柏蔽日。參天。允為縣境一景。赤峯山在縣東北六十里。孤雁村後。峯銳如削。而石色殷紅。故有赤峯之名。九峯山亦在縣東北。為全邑諸山最高處。惟以處於赤峯及美黛爾兩高峯之背。非遠望不能見其巔。土人本呼為九分。因其計山之高度由一分二分以達九分。為登峯造極焉。美黛爾山在縣東四十里。美黛爾村後。一作邁達爾。一作麥達爾。其峯巒雄峻。為縣東數百里陰山之最。崢嶸聳秀處。山麓有明順義王所建寺。曰壽靈。門樓之楹。猶存當年石刻。或謂即俺達之別宮。後舍檢為寺。俗稱美黛爾名。其跡既古。則山與村皆因寺以得名云。蒙語

謂彌勒為美黛爾佛。蓋寺之  
所奉即彌勒菩薩也。

人頭山在美黛爾山之西有

圓石徑數丈。孤生峯頂。遙望如人昂首狀。奮力撼之。搖搖

欲下。但終古不落。亦一奇也。巴圖溝在縣西北。產石炭甚

富。水澗溝在縣北十五里。古稱蘇爾哲谷。蘇爾哲水所出

焉。水溝蒙古名赫隆貴。為全省石炭與煤分界處。蓋谷之

西崖產石炭。自此以西皆石炭。谷之東崖產煤。自此以東

皆煤也。老虎溝在水溝東四十里。以產煤最佳著稱。

歸綏縣為省會所在。其轄境即古之白道川也。有白道嶺。在縣

北三十里。俗名蜈蚣壩。自嶺以西有都田貴山、石綠山、想蟠龍山、

西筆架山、硯台山、馬頭山、金鑾殿山、臥牛山、元寶山、想雌雄山、牛

心山、獅子山。其谷有喇嘛洞、谷銀洞、黑勒庫谷。最西為萬家谷。

察蘇水所出焉。與薩拉齊分界。自白道嶺以東有紅山、黑山、一

稱哈拉克沁山、官山、古或謂之鍾山、心山、肺山、七寶山、蟠羊山、  
猴山、玉帶山、帝頭山、稱鏗山、鵬窩山、天門山、銀礦山、又有紅螺  
谷、石人灣、榆溝等名。

寰宇記：陰山道案冀州圖云：雲中周圍十六里。案雲中下北

去陰山八十里，南去通漠長城百里。案此長城當觀榆谷者，今大業

在朔其間，方與紀要謂在大同南，誤。即白道川也。南北遠處三

百里，近處百里，東西五百里，地至良沃，沙土而黑，省功多獲。

每至七月乃熟，白道川當原陽鎮北，欲至山上，當路有千餘

步，土白如石色，遙去百里即見之，即是陰山路也。從此以西

及紫河以東，當陰山北者，惟此道通方軌，自外道皆小，失次

者多。亦素見都田貴山，寰宇記。

通志輯要：石綠山在城西七十里，蒙古名哈爾金和郅，出石

綠。在方輿地紀要北山牛心山在城西北一百一十里蒙古名顧朱

爾克。屬武川。詳見後。今

金史地理志。豐州富民縣。有黑山。神山。按神山。即翁夜。今

明史地理志。東勝衛西北有黑河。源出舊豐州之官山。西流

入雲內州界。又東經此入於黃河。又有紫河。源出舊豐州西

北之黑峪口。下流至雲內州界。入於黑河。按舊豐州在歸化

北之黑峪口。下流至雲內州界。入於黑河。城東。明史州所謂板

非者。黑山。峪。蒙古名。喀拉克親山。猶云。葵山也。板非當作一

統志而。誤者。而。

水經注。芒干水出塞外。南經鐘山。即陰山也。案鐘山。見山海

知。鍾山。即雁門。以北大神山。曰。穆天子傳。作春山。龍。在雁門北。是

逕白道谷口。有城在右。繫帶長城。背山面澤。謂之白道城。自

城北出有高阪。謂之白道嶺。

張鵬翮奉使日記。入山溝。石峯聳峻。澗水繞流。又二十里。次

葉不孫。鄒爾地稍平衍。土人云心肺二山相連。有九十九泉。

池。案元史。太宗嘗避暑於此。其泉發源官山。流為黑河。又行

十里許。有土城。名巴爾蘇台。傍有方山。峻嶺。俯瞰城下。二十

里。踰嶺入深谷。草木叢生。羊腸一道。五十里出山入平地。

朔平府志。吳公壩在城西北三十里。大青山。磧。紫翁袁蒙古語神也。語轉為

識翁志。為吳公。茲從之。綏官山在歸化城東百餘里。下有九

十九泉。流為黑河。東北有烏蘭哈達山。及錫拉布色克山。紅

也。山峯七寶山在古豐州境。山下有古城。

綏遠旗志。蟠龍山在烏蘭布浪後。西筆架山在城西北二十

里。烏素圖村三峯並峙。高出諸山。硯台山在筆架山前五嶺。

蟠結登此遠眺歸綏城樓台烟火歷歷可數馬頭山在筆架  
山南里許孤峯聳峙望之似馬頭故名烏素圖谷在城西北  
谷深四十里麓多文杏沿谷溪流若盤腸村落界溪而居溪  
東為東烏素圖溪西為西烏素圖喇嘛洞在畢克齊北上有  
召寺住黃衣僧數百終日禮佛誦經寺外松柏茂密銀洞與  
喇嘛洞連相傳昔時有老僧入洞進不數武仄路紛歧前阻  
溪水上架枯木為橋僧不敢進悵然而返臥牛山亦畢克  
齊鎮尾北頭南形家謂鎮之祖山元寶山在城西北嶧嶧山  
在城西九十里山勢巍峩巔建聖母廟相傳昔有煉形女委  
蛻於此真身即塑洞中每歲四月八日祈子拈香者紛集蟠  
羊山在城東北七十里蒙古名衣馬圖石人灣在榆溝路旁  
有二石人玉帶山在包爾合火村北山腰橫亘白石數十丈

如玉帶環之。猴山在秦家窰，奇峯突起，巨石森列，如猴猱坐立狀。虎頭山在城東北，奎樹溝，危峯矗立，如虎昂首。虎口一泉，注地成渠，村人資灌溉之利焉。一名滴水崖，稱錘山在哈喇沁溝口，以形似得名。鵬高山亦在哈喇沁溝，石牙森列，極為險峻。天門山在城東北，其山高峻，夏日游人陟其巔，望下方蒼翠難名，殊不知其雨也。銀礦山在城東北，六眼井村。紫蒙古語謂紅為烏蘭，故城東之紅山及紅螺谷亦稱烏蘭察布。與山後四子諸部會盟之烏蘭察布，名雖同而實非一地。歸綏識略誤合為一，綏乘駁之。良是。惟城東之官山下有九十九泉，見於明史地理志，朔平府志諸書，而茂明安旗境之官山，見於清一統志、蒙古遊牧記諸書。按其道里方向，渺不相涉，綏乘又誤牽為一，殊謬。是可謂明於

責人而昧於律已矣。此外如城東之黑山名哈喇克親者。與茂明安旗之黑山名喀喇陀羅海判然不同。乃諸書亦間有誤認為一。反駁他人之顛倒易位者。皆本篇所不取也。其尤可嗤者。則莫甚於綏遠旗志及歸化城廳志稿。謂城東七十里蟠羊山。即豐鎮縣屬之蟠羊山。並強為之釋曰。豐鎮之西北。即歸綏之東北。而不知豐鎮之山。乃在東南。而不在西北。彼蓋誤讀大同府志西北距廳八十里之文。遂誤以西北距廳。即在廳之西北也。其所引魏帝踰參合陂東至山一節。亦確為豐鎮蟠羊山之史蹟。不當強引於此。故本篇均不錄。惟歸綏城東北固有蟠羊山。不特山名與豐縣相同。即其附近村落之稱。依馬圖亦正復無異。此則不能不先為標出耳。又廣德殿山。按水經注所紀及

山西通志山脈圖所繪皆在今歸薩二縣之間。顧通志於山脈考按語中又謂山即鄂寶奇山。一作教什喜。信如所云。則亦遊牧記之教西喜山也。但教西喜在今包頭縣之西北。與水經注所紀通志圖所繪又遠不相干。不知通志之圖與攷抑何相戾如斯之甚耶。是以本篇亦刪而弗載。以省辯駁。又識略以吳公壩口為古夾山。甸城路為古牟那山。紅螺谷為古和兜山。黑牛溝左右為古薄山。皆無可證實。今姑附存其說於此。以俟博識者訂之。至云黑勒庫谷即城西之黑牛溝。核以蒙語甚符。又獅子山歸化城廳志稿僅著其名。綏遠旗志亦但言形如臥獅。均未詳其所。在。以今縣境諸山考之。當即城西察素齊鎮西北十里之獅子山也。金鑿殿山志稿謂清康熙帝曾駐驛。故以為名。

恐附會未可信。或因古有魏帝行宮，沿以得名，俗人不知。而妄為之說，庶幾近之。

武川縣位於大青山後，以白道嶺與歸綏分界。踰嶺而北為翁  
衮山，即古之神山也。其他異名甚多，有什吉岡、圖山、博濟、蘇克  
山、伊柯塞爾拜山、新婦山、鄂爾多斯山、喀喇和碩山、陽山、鵲山、  
殺羊山、獨牛山、查爾山、納札海山、邵隆峯、察罕峯、烏蘭峯、蘇門  
峯、察罕濟里敏坡、拜圖華坡、密柳坡、富峪口。此隸於四子部境  
內之山也。有白雲山、岳索山、辱孤山、哈達圖山、拜音陀羅海山、  
西神山、烏蘭鄂博岡、西巴爾圖鄂博岡、翁衮鄂博岡、雅布哈鄂  
博岡、喀喇鄂博岡、摩禮圖鄂博岡、鬪嶺。此隸於喀爾喀右翼旗  
境內之山也。西自白衛郭爾山起，歷克壽山，以至托蘇圖山，為  
土默特與山後各旗分界處。外此尚有鳳凰山、臥龍山、筆架山。

福壽山、隆盛山、腦包山、東紅山、馬鬃山、德令山、力圖直山、文武山、四號山、馬鞍山。其不見於他書而僅著於綏乘者，則有察罕天都爾山。按首圖作大都爾。活克活爾齊山、哈集呼都克山、阿善呼都克山、察齊勒達克山、扎明呼都克山、雜漢音野列斯帖山、塔崩烏魯姑伊托拉山、哈魯達山。又有東北邊之孤巒，曰托托山。

魏書天興六年七月北巡東北踰罽嶺出參合代谷。

張文端漠北日記二十一日出歸化城行九里入祁連山十

五里踰峻嶺方言都倫大壩五里下坡石溝崎嶇溪壑幽深

六十里駐昆都勒必那峽行乘駝自此始二十三日折而東

向踰平嶺四十里有水草之地喇嘛穿廬而居飾新涼棚其

前又二十里駐席南莫落有清河一道足人馬汲飲兩山亦

堪芻牧。北征錄云：蒙古地勢遠望似高阜，至即又平矣。此景  
今來塞外，乃親見之。二十五日向北行平地三十里，駐烏蘇  
禿，有河水繞流，草色青蔥。二十六日行五里有廢城基址，可  
七里許。平原回合，氣勢攸聚。昔人城此，亦知地利者也。自此  
山澗有水之地，蒙古零星而處。二十里次察汗卓魯，有泉源  
可汲，惜草少耳。二十七日踰平阜，七十九里次西腊木倫，沿  
途蒙古居者絡繹，未至營三十里有黑泥河一道，草亦稍有。  
此處河水稍清，而州則不及云云。案席南莫落西腊木倫，皆  
即錫喇木倫之譯變，文端蓋自源泝委而行，所踰峻嶺平阜，  
皆指翁衮山嶺所見蒙古，即四子部落種人也。  
蒙古遊牧記：四子部旗東六十里有博濟蘇克山，百三十里  
有什吉岡圖山，旗南八十里有新婦山，蒙古名白爾白肯，百

十里有鄂爾多斯山。百三十里有喀喇和碩山。至伊柯塞爾  
拜山為止。旗東北二十五里有陽山。蒙古名杜蘭。即齊侍郎  
所謂杜蘭喀喇也。百三十里有鵲山。蒙古名沙齊哈圖。百六  
十里有察罕濟里敏坡。旗西北有獨牛山。蒙古名烏克爾圖  
魯。五十里有殺羊山。蒙古名阿爾哈林圖。百二十里有拜圖  
華坡。至查爾山與喀爾喀右翼旗為界。旗東南七十里有邨  
隆峯。百五十里有察罕峯。烏蘭峯。又有陰山。蒙古名色爾貝。  
旗西南百里有阿爾察圖蘇門峯。百二十里有阿魯蘇門峯。  
百四十里有納札海山。二百里有密柳坡。至巴顏鄂博。土名  
富峪。接歸化城土默特界。又喀爾喀右翼旗北三十里有白  
雲山。蒙古名察罕和碩。至岳索山與外蒙連界。旗西南三十  
里有辱孤山。蒙古名巴爾喜加。五十里有哈達圖山。百里有

劉嶺。蒙古名毛德爾。與茂明安旗連界。旗東六十五里有拜音陀羅海山。旗東南五十里有西神山。蒙古名巴楞翁克。其雅布哈鄂博岡。喀喇鄂博岡。皆在旗北。其希巴爾圖鄂博岡。在旗西。其摩禮圖鄂博岡。在旗東北。其烏蘭鄂博岡。翁克鄂博岡。皆在旗東南。

綏遠旗志。鳳凰山在城東北百六十里。大納令村。臥龍山與鳳凰山東西相對。產火石。筆架山在城東北百六十里前後。火房之東。與西筆架山別。山形聳峭。下連上歧。望之如太華三峯。高出雲表。土人以形似稱之。福壽隆盛。腦包東紅四山。皆在烏蘭花東。馬鬃山在韭菜溝。腮忽洞西南。形如馬鬃。德令山在毛獨亥村東。力圖直山在席片腦包東。文武山在包爾板升西南。四號山在圪妥爾村南。土人言有古瞭將臺。馬

鞍山在四號山北。再西二十里有狀元碑。其文曰。雍正十三年李如柏行兵祈雨處。

案縣屬四子部之殺羊山。與固陽縣屬茂明安旗之殺羊山同名。而縣屬陽山與套北之陽山。縣屬白雲山與通志輯要城西二百餘里之白雲山亦然。然皆相距甚遠。非一山也。即如陰山原為本省群山之祖。顧在西部者則名噶札爾山。在東部者則名色爾貝。僅此一山。已可知蒙旗諸山異名之繁。而其同名異地之弊。更在所難免矣。又如蒙語謂神為翁袞。於是凡涉神字之山名。無不稱翁袞。烏喇特既有馬神山。號為翁袞矣。復有縣屬西神山。又號為巴楞翁袞。白道嶺後既有古神山之翁袞矣。復有喀爾喀旗之郡博岡。亦仍曰翁袞。再就歸綏識略所謂吳公壩。原係

翁袞二字之轉音言之。則此名亦大有是處通用之概。是則山川同名之多。誠不能不認為本省地理上特異之一端也。又武川城當清季未設治時。為歸化城廳轄境。故綏遠旗志及歸化廳志稿所述諸山。兼及白道嶺北。今既分治。允宜各歸所隸。以正疆界。

自官山而南。抵西溝門。古之參合陁也。陁西為和林格爾縣。東有九峯山。南達殺虎口。邊外有玉林山、大松山、白道梁、族蠡山、惡陽嶺、善陽嶺、胡同壩、大元山、東盤山、西盤山、丁家山、磨盤山、腦包山等。西與托克托縣連界。處有摩天嶺（緣胡山脈）。

明史地理志。玉林衛東有玉林山。按故三城在殺虎口北三十里。

方輿紀要。馬營堡邊外有松樹山。又七介山在大同府境。柔

然聞魏主伐姑臧。乘虛深入。至七介山。京師大駭。遣軍拒卻。

之於吐頽山。族蠡山在朔州北境。隋開皇中遣高穎等分道

出朔州伐突厥。頽以趙仲卿為前鋒。過突厥於族蠡山。大破

之。追至乞伏泊。復破之。追度白道嶺。惡陽嶺亦在州北。唐貞

觀四年李靖封突厥。自馬邑進屯惡陽嶺。夜襲定襄。破之。胡

氏曰惡陽嶺在定襄古城南。善陽嶺在白道川南。在按諸山皆

爾境

朔平府志。九峯山在歸化城東南一百二十里。九龍灣東西

石山下有石嘴。上有九峯故名。摩天嶺在城南一百五十里

黑城東。城在托克東高五里。盤踞二十里。紅山在城南一

百五十里。紅城南東接榆樹梁。西抵喇嘛灣。有紅山口。紅又有

口在和林爾格爾爾黃河在西北二百七十里。自西北山嘴折而

東南流。至突厥城西。托即托克折而東南三十三里至喇嘛灣。

復折而西南。白道梁在城東南二百三十里。府境邊外高三

里。盤踞十里。疑即唐書之惡陽嶺。遼志德州胡同壩在城東

南二百餘里。高五里。盤踞數十里。古今西溝門也。南石匣子。即

嶺西北九十里。北口在伏真山。亦當相近。凡黃水河及語入紅

谷。哈拉山。水經注之烏。格爾河。蘇河。多由此發源。即

山河之。察哈音圖河。努衛黑爾河。南源也。出哲爾德。摩多山。即

平頂山。南去涼城。即西山。歸化城。

山西通志。和林格爾。托克托城之間。明宣德中曾置雲內諸

縣。故明史謂雲內州。在平虜衛西北。統志謂夾山在朔州北

三百四十里。舊通志並據以證夾山即紅山。摩天嶺諸山而

紫河。金河皆入雲內州界。以遼史地理志天祚紀證之。無一

相合。九邊輯略云。宣德中置豐州。及雲內等縣。設官置戍。正

遼史地理志。雲內州本中受降城。大有司。敦城。大同。師。永濟

嶽所共有。故分著之。以明其非一邑所得專也。如套北之

案九峯山為涼城。和林二縣所共有。摩天嶺亦為和托二

同之舊鎮。非大同軍也。其族蠡山。及惡陽嶺。故當朔平邊外。

朔鎮。元魏之朔州。非今州也。唐書之閭門山。當在受降城大

方輿紀要。所舉朔州。以北之山。四如魏書之折敷嶺。當在懷

之山。遠不相涉也。南

在其北。與黑河以

為失據。要其州境。實志。如黑山。北。去朔州。五百餘里。夾山。又

山。節度。而。今。別。書。天。德。軍。云。中。受。降。城。地。與。雲。內。州。所。舉。天

德。軍。節。度。而。今。別。書。天。德。軍。云。中。受。降。城。地。與。雲。內。州。所。舉。天

雲。內。州。必。在。今。薩。拉。齊。之。西。而。遼。志。既。以。豐。州。當。五。原。云。天

河。套。內。境。寧。邊。州。今。清。水。河。廳。以。南。武。州。則。偏。關。以。東。也。是

即。豐。州。今。歸。化。城。及。和。林。格。爾。之。北。境。勝。州。今。托。克。托。城。及

下。武。州。遇。全。人。戰。山。於。奄。陽。嶺。取。天。德。東。勝。寧。邊。雲。內。等。州。南

燕。雲。十。月。復。渡。河。東。遠。居。突。呂。不。部。四。年。七。月。謀。再。出。兵。於。復。收

城。十。月。復。渡。河。東。遠。居。突。呂。不。部。四。年。七。月。謀。再。出。兵。於。復。收

道。雲。內。五。月。夏。國。主。李。乾。順。遣。使。請。臨。其。國。渡。河。至。於。金。肅

嶺。西。雲。內。五。州。南。金。兵。圍。鞏。重。於。青。冢。遣。兵。入。夾。山。三。年。三。月。駐

嶺。西。雲。內。五。州。南。金。兵。圍。鞏。重。於。青。冢。遣。兵。入。夾。山。三。年。三。月。駐

狼山橫貫三縣亦即於三縣分著蓋山之小者或可圍於一隅其較大者非連縣並載不能備其首尾此殆分縣紀述不可避免之冗複耳又九峯山與薩縣最高之山同名惟此涼城縣境者尚有漫汗山之稱是又其特異之一點也。

托克托縣東與和林連界處有摩天嶺東南與清水河連界處有紅山當黃河之東岸為綠胡山其轉折處為喇嘛灣山再南為南山亦即水經所謂東西大山也。

水經注河水南入楨陵縣西北綠胡山歷沙南縣東北兩山二縣之間而出余以太和中為尚書郎從高祖北巡親所巡涉縣在山南王莽之楨陵也北去雲中城一百二十里縣南六十餘里有東西大山。

案漢書地理志雲中郡楨陵縣緣胡山在西北。山西通志釋之云。楨陵當在薩拉齊東南境。黃河屈南流處。山在縣西北。實即陰山也。水經注以枕河之山當之。似誤。按水經注以枕河之山當緣胡山。然未嘗言其不在西北也。乃通志所刊歷代山川沿革圖。依漢書地志而定者。則繪緣胡於楨陵之西北。依水經而定者。又繪緣胡於楨陵之東南。離奇變幻。莫可究詰。揆通志釋之之意。蓋以謂古楨陵既在今薩托二縣之間。則其西北捨陰山外。別無大山。故斷為緣胡。即陰山也。惟水經注明言河水南入楨陵縣西北。緣胡山。而今河水自薩至托一段。並不經過陰山。且山在河北百里之外。更不得謂之南入也。是則指陰山為緣胡。亦非確論。通志於楨陵西北求河入之山。而不得。遂析地

志與水經而兩著之。然合於方向者悖於河道。符於河道者乖於方向。不特一志中自亂其例。亦徒令人增名山異位之疑。甚無謂也。以今形勢攷之。漢地理志及水經注均不謬。特通志誤置楨陵故址於薩北之間耳。按道元注。明言從高祖北巡。親所逕涉。則其所述斷非懸揣臆測之詞。揆以注文。一則曰縣在山南。再則曰北去雲中城一百二十里。就此二語觀之。則楨陵非第不在薩縣之東南。且更在。今托縣南山之南也。良以古雲中城在今歸綏縣西南。和林格爾之西北。而楨陵其南一百二十里。則校其故址。確當托縣山南無疑矣。設如通志所定。則注文當云東去雲中。豈得曰北去雲中百二十里乎。縣址既正。緣胡山之方位。及河水經流大勢。均可不煩辭費。而得其解。而晉志之

誤。又寧符辨哉。

清水河縣之山北以緣胡為界。又有連嶺。自殺虎口。循中陵川。水西抵縣。沿之北。古長城遺址在焉。俗名榆樹梁。迤南有吐頰山。其在縣東者。則有虎山、柞嶺、七嶺山、松山。其直平魯邊。牆之西者。則有小松山、黑石山、馬耳山、照壁山、半箇山、黑青山。其毗連偏關之處。則自紅門口而西達老牛灣。為大河入邊之始。魏書帝紀。太祖皇始元年。大蒐定襄之虎山。因東幸善無陂。陂在殺虎口。太宗永興三年。詔尉古真統兵五千鎮西境之。大洛城。五年。自雲中大室西南。巡諸部。遂南次定襄大洛城。東踰七嶺山。田於善無川。一統志。漢定襄郡。泰常六年。西巡獵於柞山。親射虎。獲之。遂至於河。大獮於犢渚。世祖始光四年。築壇於柞嶺。戲馬馳射。高宗太安三年。畋於松山。行幸陰

山。列傳。太延五年。車駕西伐。蠕蠕乘虛犯塞。侵及善無七介。

山。京師大駭。司徒長孫道生拒之於吐頽山。魏書獻明皇

也。后與太祖避難於陰山之北。為高車寇抄。復渡漠南。至雲

言。昭成避府洛兵於陰山。北。為高車寇抄。復渡漠南。至雲

中。此雲中即古成樂城。

似七介山在歸化境。

方輿紀要。東勝州。明初改建東勝。左右二衛。兵民皆耕牧。河

套中。洪武二十六年。建城。正統三年。邊將周諒言。東勝州廢

城西濱黃河。東接大同。南抵偏關。北連大山。榆楊等口。中有

赤兕山。東西坦平。二百里。其外連互官山。若屯軍此城。則大

同右衛。淨水坪。偏頭關。水泉堡。四處營堡。皆在其內。可以不

勞戍守。非惟可捍蔽太原。大同。亦所以保障延安。綏德也。時

不能用。按遼金元之東勝州。在河東。此城建於胡坦。初如所

堡邊外有馬耳山林坪所第三堡邊外有寧邊河照壁山黑

石山等處皆外境也將軍會堡邊外有黑青山

朔平府志榆樹梁在府境邊外高三里盤踞十里通平魯邊

外大榆樹灣小榆樹灣山險峻榆極多半箇山黑青山照壁

山俱在平魯邊外

寧武府志紅門市口在偏關縣東北九十里前明通市處也

山西通志謹案廳境山川圖志皆略北魏之柞嶺犢渚今亦

不能確指其處魏書又有翳犢山犢倪山秦常五年巡行翳

安元年改於犢倪山似兩山去車輪山太安四年次於車輪

山遊辛似皆在廳境又輿圖廳東四十里有鄂博圖山

案清水河縣為遼金之寧邊州西限大河北連緣胡山東

南與武州塞接古雲中之南境定襄之西境也其山川沿

華除緣胡山載於漢地理志外。餘多見於魏遼金數代之  
史。良以此數朝皆起自北方。故其在塞外之事蹟亦較他  
代為多。本節所述。僅就史籍中掇其山川名跡之犖犖顯  
著者紀之。若其隱僻不彰。或古有其名而今不可確攷者。  
均未濫予摭據。以啟後人之疑。如歸綏識略以烏喇山當  
古之柞山。以武當溝當古之犢渚。皆移清縣附近之山川  
於綏西。未免武斷。今紀柞嶺於清水河境。亦聊以糾識略  
之誤耳。

涼城縣。昔以大小海分南北。小海古鹽澤。大海古諸聞澤。所謂  
參合陂也。縣治之東北有搶盤山。財神山。西北有漫汗山。鐵炮  
山。斧刃山。北至平頂山。與陶林縣分界。迤西為斗金山。與歸綏  
縣分界。其在縣南沿邊牆而東者。有富家嶺。檀帽山。花子山。齊

頭山衛路山柳河山其在參合陘口即俗所謂西溝門者有胡  
都克嶺介於二海之間者有猴山縣城北負郭數里有蒙古吟  
達山東北與集甯縣連界處有卓資山再西有牛心山東歷大  
海灘之孤山入豐鎮縣界

魏書帝紀桓帝與晉司馬騰大破劉淵而還於參合陘西累

石為亭樹碑以記行焉帝曾中蠱嘔吐之地仍生榆木參合

陘土無榆樹故世人異之昭成帝什翼犍五年幸參合陘諸

部畢集設壇講武馳射因以為常三十四年七月七日生太

祖於參合陘明年有榆生於埋胞之坎後遂成林案自太祖

破為巡幸常至之地不復備徵太祖天賜三年幸豺山宮遂

至青牛山西登武要北原觀九十九泉造石亭遂之石漠傳

方輿紀要威魯堡邊外有花子山齊頭山甯魯堡邊外有溥

家嶺。檀帽山。拒馬堡邊外有水泉兒灘。周家嶺。內威甯海子。

等處最衝。茶威魯堡在甯魯東北五十三里。甯魯堡北二十里。

鎮羌堡邊外有柳河山、海子。

甯遠廳志。西溝門在廳治西五十里。又名石匣子溝。長四十

八里。石路崎嶇。出溝則平地千里。豁人心目。案水經注。當在

此據魏書慕容寶遁至參合陂。羊於豐鎮廳境。南山。水。上。魏

軍。追。至。陂。西。登山。下。臨。云。蟠。羊。山。在。豐。鎮。廳。境。則。所。云。陂。

者。似。指。大。雲。縣。東。馬。頭。山。其。口。非。是。胡。都。克。嶺。在。陘。口。之。北。伊。馬

即。在。左。雲。縣。東。馬。頭。山。其。口。非。是。胡。都。克。嶺。在。陘。口。之。北。伊。馬

在廳北八十里。高百餘丈。上有神洞。平頂山在廳治北一百

五十里。山四無所倚。周百餘里。望之若場。前有黑水河。迴頭

梁在廳治北二百餘里。有小溪九十九處。隆冬之月。塞外苦

寒。而泉水不冰。按海水道提綱。黑河出鑿藍察哈爾東北。會東北

諸水。又西流。受北來之德布色河。又西合東北之哲爾境。

當與海蘇台相對。平頂山在其南百里。當即和格爾

界之折爾。得漢多山。所云黑水。為折爾德河矣。蒙古謂水為

烏蘇。黑為多。刺榆樹。有也。將軍梁在廳治南四十餘里。上

有古墳三。巍然特起。家似嶺。傅帽兒山在廳治南百餘里。山形

層疊如帽。帽似山。又有衛路山高數十丈。山頂有泉。下流為

瀑。水有毒。飲之輒病。馬頭山在廳治東南一百二十餘里。舊

志。馬頭山在左雲縣東北八十里。東連大同。西接右玉。迤邐

八十餘里。長城踞其上。一名長城嶺。形似馬頭。雙耳尤肖。遷

廳東。大海灘土城之北。山石或蹲或立。悉如猴形。孤山在

業涼城。縣治西北五十餘里。之漫汗山。即九峯山之異名

也。山西為和林縣。其往來之衝道為西溝門。亦稱石匣子

溝。蓋即古之所謂參合陁也。舊甯遠廳志尚紀有北境距

廳二百餘里之迴頭梁。俗稱奎騰梁。奎騰今已不屬。蓋自

清末增設陶林廳。即以平頂山之分水嶺為兩境。鴻溝而

梁在山北。固不得仍紀於涼城。山脈之內也。又據最近採

訪所得。縣北七八里有蒙古哈達山。雜花野草。爛若鋪錦。

一小瀑布。點綴山阿。每夏就此避暑者甚多。頗稱縣郊勝

境。其北五十餘里。小山環繞。林木叢茂。惟無大材。而狐狼

麋狸諸野獸。則甚繁衍。惜乎山之物產雖佳。而宿無可紀

之名。斯不能不謂美中之一憾耳。縣西北與歸綏連界之

斗金山。曩以產絡繹蟲著於世。每歲夏秋之季。幽燕販蟲

者。輒集山下。罄貨易蟲。盈担而去。至舊京則昂其值。鬻於

市。往往有獲厚利而致富者。

集寧為民國以來新設之縣。其山以奎騰梁為主。而錯綜分布

於四境者。率皆其旁支也。在縣治之北有烏德貴山、聚寶山、老龍不浪山、五箇腦包山、石洞山、寶石山、哀力棍山、勿拉山、偏西有八印腦包山、偏東北有雙腦包山、岱青山、猴兒山、自東北迤南有小桌子山、喇嘛崑督山、磨子山。

案奎騰梁距縣治四十里許。西起涼城北境。東抵察屬高都縣。西長凡二百六十餘里。高約四五里。烏德貴山直縣治之北而稍東。高如奎騰梁。而長僅十餘里。山頂平坦。形同壁壘。其中有深谷曰烏德溝。頗險隘。為通陶林內蒙之要路。八印腦包山在西北。距縣治百四五十里。北與哀力棍山相接。南行直抵勿拉山。是為陶集二縣之界山。雙腦包山在縣北偏東。距縣治約五十里。東與烏德貴山相接。西與岱青山毗連。長凡五六十里。岱青山距縣八<sup>治</sup>九十里。

東抵商都境山之寶藏最富有雲母石英水晶寶石石繇  
之類品質甚佳可供眼鏡及粧飾物之用桌子山喇嘛崑  
督山均繇延於縣境之東為集商汽車必經之地聚寶山  
老龍不浪山皆在縣之北境有泉水自老龍不浪山麓流  
出土人謂之蠟醬河五箇腦包山在聚寶之北亦集寶與  
陶林分界之山也石洞寶石哀力棍三山在縣之北自邊為  
全區屏障勿拉山在奎騰梁北距縣治近百里或稱汗烏  
拉山與套北之山同名其磨子山猴兒山見於本省新測  
地圖一在東南一在東北也

豐鎮縣之山以新城河分東西古如潭水也其山自河源南出  
於縣治之右者有尖山大壩山留雲山白牙杖山奚望山三台  
道山或謂即古焦山其在河源之左為古牛川山脈自牛心山

分布而下。岡巒起伏。延百餘里。以達於東西洋河之間。有廣收  
梁八棱山。松柏山。狼頭山。平頂山。桃花嶺。彩雲嶺。鄂博山。皆北  
限於川。又有石元山。五烟圖山。天花草山。皆直隸治之東。再東  
則有蟠羊山。乾柴洞山。慈老壩。或以為即鶻鴿谷。此外隨地異  
名之山。尚有興望嶺。飛來峯。二龍山。金鵝山。馬脊山。東山巖。十  
九山巖。雲門山。清涼嶺。紅娘山。豐收嶺。猴兒山。雙乳山。奶坡山。  
玉泉山。

大同府志。火山南距廳治三十五里。其西北為大壩山。距廳  
治四十里。越兩山而北。為五字圖廟。又北則正紅旗總管之  
所治也。大壩山之南。曰白牙義山。東南距廳治三十里。山之  
西接甯遠廳界。東連石田嶺。距廳<sup>治</sup>二十里。留雲山在廳治西  
北五里。迤東坡阜橫亘城北。枕以為險。又北曰興王嶺。其在

得勝口外者曰冀望山。新城得勝二河所逕也。北距廳治十  
 六里。上有鬥鷄臺。唐乾符中雲中守捉使李克用偕程信等  
 募士萬人。次於此。金史地理志大同縣有冀望山。今名望城。  
 坡。舊志云一名岐王山。在大同縣北九十里。上有岐王墓。誤。  
 三台道山在望城坡西北。高坡叢石。路徑險仄。北距廳治八  
 里許。得勝河西來逕之。其左近有村名焦山尾。明嘉靖間大  
 同叛卒亡出塞。退保焦山。疑即三台道。若左雲縣北之焦山。  
 在助馬邊內。未出塞也。以上諸山俱在新城河之東北。曰牛  
 心山。西南距廳治六十里。孤峯直上。高五十丈。有奇。其西北  
 重巖複岫。若拱若揖。直跨正紅旗牧地。下掘長塹為界。環山  
 屈曲陟嶺。北眺則威寧壺盧諸海。了了可辨。大青山委蛇西  
 來。雲霧杳冥。遠在二百里外。攷魏書太祖登國元年。自弩山

遷幸牛川。屯于延水南。天賜元年，幸青牛山。西登武要北原，  
觀於九十九泉。泉在今歸化城東北。武要於漢屬定襄郡，亦  
今朔平邊。疑青牛山即牛心山，而山以北之平川亦古牛川  
也。牛心山之西，少南曰廣收梁。西南距廳治五十里。又東曰  
八棱山，曰松柏山，俱西南距廳治八十里。狼頭山西南距廳  
治六十里。疑即古豺山。北魏離宮所在也。東接旗干梁。又東  
曰平頂山，東西延長十餘里。與明暗山接。平頂山之北曰桃  
花嶺。少西曰彩雲嶺，俱西南距廳治百三十里。彩雲嶺之西  
曰玉泉山，頂有清泉。又北，少西曰察哈奧包山。上壘石為小  
祠。蒙古俗謂之奧包。一作鄂博。按察哈當作察罕。蒙古語白也。西南距廳治  
百二十里。北接正紅旗界。石元山，西距廳治五里。平野獨秀，  
如擎芝蓋。新城河北來，逕其右。亦名新城山。其左靈泉出焉。

壩	高	頭似	三北	可流	按南	合	羊	外	西	西	西
西北	邊	山非	年巡	證耜	登國	改東	養草	日蟠	距廳	距廳	南注
距廳	外	狼	幸	實又	水上	過蟠	以盤	羊山	治七	治十	於河
治八	清	其	射	數	天	羊山	旋也	土人	十里	五里	東十
十里	涼	西南	山	乘	年	太	盤	云	天	烟	餘里
南	嶺	曰	遂	殺	幕	宗	與	山	花	圖	曰東
直	之	十九	登	數	容	泰	蟠	舊	板	山	山巖
鐵	北	山	定	百	賓	常	通	產	山	西	南北
裏	西	與	襄	人	北	六	北	盤	西	距	橫
門	距	邊	角	幸	巡	年	魏	羊	距	廳	臥
為	廳	內	士	之	自	六	太	即	廳	治	少
止	治	紇	校	似	參	月	祖	獮	治	六	西
	百	真	獵	山	合	北	天	羊	百	十	曰吉
	里	山	東	當	坡	巡	賜	也	三	里	慶梁
	舊	接	北	在	東	至	四	代	十	東	
	有	乾	幸	朔	過	盤	年	都	里	有	
	鑛	柴	射	平	蟠	羊	北	賦	鎮	豐	
	洞	洞	山	邊	羊	山	巡	所	川	收	
	今	山	宮	外	山	即	自	謂	口	嶺	
	封	在	遂	魏	大	此	參	獮	之		
	塞	陽	如	天	雨						
	慈		參	興	暴						
	老		合	六	水						
			天	年							
			賜								
			坡								

豐鎮縣志。二龍山。俗名二八洞山。其山委蛇蜿蜒。酷肖龍形。西南距廳治五里。山前有飛來峯。即金龍大王建廟處。金鵝山在新城灣之村西。西距廳治五里。山形如鵝。土人因名。金鵝撲水。馬脊山在河口灘北。西距廳治十五里。形如馬脊。因呼馬脊山。頭道溝河逕其左。二道溝水在其右。二水俱南注。新城河。雲門山在清涼嶺東南。西距廳治百一十里。與陽高之雲門毗連。西南接大同採掠山。東北連天鎮環翠山。延袤百餘里。山嵐疊翠。如列屏障。亦名翠屏山。即古之青陂山。唐地理志所謂雲州有青陂道。為出兵路。梁元帝橫吹曲云。朝跋青陂道。是也。遼之長青縣。以此得名。又名青龍山。石色青黑。頭南尾北。委蛇蜿蜒。酷肖龍形。故名青龍。上有懸雲觀。諸勝境。詳祠祀。其東為鐵裹門。為大小鵝鵠峪口。明嘉靖間王

邦直率義兵出塞。抵鵝鶻峪。即其處也。鵝鶻峪在鎮寧堡邊外。西北距廳治百八十里。明一統志。當衛東最衝。有白羊口。鵝鶻峪。萬歷間。王邦直為虜所害處。猴兒山在永善莊西北。南距廳治四十里。有故城址。今地傳是薛剛妻避難處。無可證實。土人於雨後黎明時。每見城現。又聞城內有演武教戰之聲。誕妄不經。姑存其說。雙乳山在隆盛莊東西南。距廳治百里有奇。兩峯並峙。高數十丈。層崖聳秀。中有樹林。葱蘢叢雜。下有清泉。清潔潺湲。遙望其形。宛如雙乳。故名。奶坡山在四美莊西北。西南距廳治八十里。山之受名與雙乳同。山上有海。周百頃餘。四季不涸。近年海側村農。因水佔地。擬議鑿渠放流。別處有形家者言。奶坡有海。猶乳之有汁。該村自開地以來。未遭旱潦之災。利益賴是。開放奚為。渠議遂止。至今

稱乳海馬。三道溝山西北距廳治百四十里。泉壩西北距廳  
 治二百里。兩山之間曰葫蘆。速太猶言榆樹溝。有龍泉寺。飲  
 馬池東西二灣。西洋河導源於此。東入馬市口。古延鄉水也。  
 水經注。延鄉水出延陵縣西山。按山西通志載唐太宗飲馬  
 於龍泉寺。作飲馬長城窟行。  
蓋指此飲馬池而言。然漢樂府詩  
 已有此題。詠恐據此亦未確切。  
 案豐鎮一縣之山名為數至夥。本節所紀不過就舊志及  
 其他載籍撮要述之耳。若夫某谷某梁如黃羊嶺馬場嶺  
 等名。至多不可悉數。然欲知豐邑之山川形勢者。但於本  
 節揣摩亦殊不難得其梗概云。  
 興和縣舊為豐鎮轄境。清末增設口外十二廳。始別自為治。故  
 其境內山川曩皆列於豐鎮舊志中。茲就縣境所屬之山為分  
 別別載於下。其最著者曰大青山。為本省陰山總幹出境之尾。

其在縣治之南。則有雙山、三道溝、四道溝、東石嘴、北井溝諸山。在縣西則有腦包山、帶慶山。或謂即大青山之訛。西北亦有卓資山、尖山子、黑山子、蘇木山。

大同府志正黃旗之南曰黑山子。西南距廳治二百里。踰山而北為正黃旗總管治。按明史嘉靖間大同烽警前衛總兵周尚文與戰黑山。進至涼城。水經注如渾水出涼城。旋鴻縣。即今察哈爾境內之葫蘆海。在黑山之北。疑尚文戰處即此山。王越周璽傳亦稱黑石崖者甚多。未能確指其處。又古豐州境有黑山。與雲內州夾山相連。則在今歸化城西南。非此黑山。大青山在高廟子北。西南距廳治二百二十里。北接察哈爾正黃旗界。山有數峯。東一峯尤高。蒼翠峻嶒。故土人亦謂之大青山。東評河北來。遶其麓。東入直隸張家口。

豐鎮縣志。雙山在西洋河之北。新平堡邊牆外。西南距廳治  
二百四十里。兩峯對峙。巒嶂重疊。三春積雪不消。謂之雙山。  
積雪。金史。撫州柔遠縣有雙山。世宗大定二十七年秋獵次  
雙山子。即此。大青山。蒙古名庫庫和邨。在高廟子北。西南距  
廳治二百三十里。西接察哈爾正黃旗界。東一峯尤高。蒼翠  
峻增。故土人謂大青山。東洋河北來。遶其麓。東入直隸懷安  
縣界。同治年間。農人山麓耕田。得紅色石一塊。長數寸。似玉。  
而不甚光澤。未知何物。其友京師懋遷。携之代售。獲二金。居  
民間。知競往。創取。石有五色。徑二三寸。長尺餘。不等。蓋砮砮  
類也。然今不易有矣。蘇木山在木廠溝村南。西距廳治二百  
里。山產蘇木。樺木。俱不成材。按詩山有扶蘇。注扶蘇猶扶胥。  
小木也。因名蘇木山。

案豐鎮在前清時原屬大同府管轄。而涼城縣舊稱寧遠廳。則屬朔平府管轄。且兼隸於雁平道。嗣為施治便利計。始與其他各廳一律劃為歸綏道。統治之區。是以涼城沿革多載於朔平府志。而豐鎮故蹟亦當以大同府志為較詳。今之興和即係由豐鎮劃出。則志文中所稱某山某向距廳若干里者。皆指舊豐鎮廳之治所而言也。惟此節所紀之夫山子與前節豐鎮縣之夫山子並非一山。亦不相連。即其他同名者如卓資山之與涼城集寧二縣黑山之與固陽歸綏二縣亦復如此。殊不必一一為之辨證也。

陶林縣以平頂山與涼城分界。自山以北五十里有迴頭梁。折而西北有元山子。再北有草帽山。又北為黑山子。其在縣治之東北者有恩格山。東南有花山子。

山西通志。北臨黑河南源者。曰平頂山。又北。曰迴頭梁。古武  
要之北原也。是為黑河正源。東北至依馬圖山。入察哈爾界。  
綏遠旗志。黑山在大紅灘東山下。有古城。天陰則見。

案陶林縣境。惟迴頭梁為古武要北原。在載籍中亦稱名  
蹟。外此皆無可徵。是雖因文獻闕畧。不能備一邑形勝之  
紀。要亦以其地多岡阜。無高大之名山所致耳。或謂陶林  
屬境。非無大山。實因全縣為一極雄峻之高原。以本省南  
部諸縣地形較之。則陶境確有高屋建瓴之勢。雖謂全邑  
踞一大山之巔。亦無不可。如前節所引魏太祖天賜三年。  
西登武要北原。更覈以今縣形勢。自迴頭梁以北。逐步上  
陟。益足證其天然巍峩之勝概矣。然則陶縣之無大山。又  
豈足為陶縣病哉。

沃野為最近設置之區。尚未成立縣政府。其轄境亦未確定。地當黃河自寧夏北流之東岸。與臨河縣隔河南北分治。約跨有鄂爾多斯右翼中後二旗牧地。其山為套西阿爾布坦山之餘脈。有阿布山、塞爾旺喀喇山、賀通圖山、蘇海阿魯山、色爾騰山、黃草山、哈伯察齊山、鄂蘭喀喇陀羅海山、邨隆山、色爾蚌喀喇山、銀礦山、桌子山、阿爾不素山、保拉斯太山、新名山、沙谷山、邁達山。其西北亦有噶扎爾山、馬陰山。

蒙古游牧記。鄂爾多斯右翼中旗南至賀通圖山。俗名回回墓。旗南三百六十里有蘇海阿魯山。康熙二十二年松喇布以牧地狹。請移蘇海阿魯。即此。旗西百三十里有色爾騰山。旗西北百十里有黃草山。蒙古名庫勒爾齊。百二十里有哈伯察齊山。鄂蘭喀喇陀羅海山。百二十五里有邨隆山。二百

四十里。有色爾蚌喀喇山。右翼後旗西至噶扎爾山。百四十里。有馬陰山。蒙古名阿克塔和碩。

案桌子山。一作桌資。與本省東部數縣之卓資山同名。銀

礦山阿拉不素山。保拉斯太山。並與桌子山相連。蓋一山

而各取一隅為名耳。惟邁達山在最西北。黃河自南屈東

處。不與他山相接。新名山又在其東。因山麓有黃衣僧寺。

俗稱新名。遂以名山沙谷山在南邊。近陝處一最大之沙

岡也。

東勝縣位於大河之南。與薩包二邑隔岸相望。古為秦河南地。

而今則鄂爾多斯中部諸旗之游牧所也。其地多平原沙阜。無

甚著之山。惟縣北境有退諾克陀羅海山。南有鄂錫喜峯。東北

有巴哈得石峰。西南有總柴山。巴音山。錦屏山。恩多爾拜山。

蒙古游牧記。鄂爾多斯左翼中旗扎薩克駐鄂錫喜峯。注引

清一統志云。平地突起一峯。左翼後旗東百十里有漁河。蒙

古名折葛蘇台。源出托諾克陀羅海山。左翼前旗北四十里。

有巴哈得石峯。按旗西北六十里有得石峯。故此加右翼前

旗東南百四十里。有總柴山。蒙古名摩多圖。摩多蒙古語。樹

多。作莫西南三百十里有巴音山。三百九十里有錦屏山。蒙古

名巖靈。南二百二十里有恩多爾拜山。

案東勝縣在鄂爾多斯之中部。一望平原。經行終日不見

一山。間有遙具隱隱之山形者。比至其地。則不過蜿蜒起

伏之土阜。非石山也。彼土之民稱此為沙梭。或曰沙梁。其

未出鄉里者。殆不知天壤間猶有所謂巍巍峩聳秀之山。蓋

河西大高原有山之區。多在東西南三面。近邊之地。顧東

自邊為晉屬河曲偏關諸縣轄境而南為陝北榆林神木暨  
其他諸縣之屬地。往者惟西部有少山而今已劃隸沃野。  
此東勝一邑所以較鮮名山之故也。

